

中國方志叢書·華北地方·第四一三號

據

清 · 王 會 隆 纂 修
清雍正五年增補，清康熙五十一年刊本


影印

山 西 省

定襄縣志

成文出版社有限公司印行

568/11



10094133

中華民國六十五年

月壹一版

定襄縣志

全二冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續通志卷之五十五

定縣志

定襄縣志卷之八

藝文志

文之不可已也所以致往俟來撫虛証實存正史
也太史公躬覽載籍必廣記併輯之令學者原始
要終瞭然如指掌斯亦古今得失之林耳余觀襄
志所載遺事多奇如開門峪漆郎洞溫侯飲馬池
竝足供騷人遷客與夫少年游俠一時款款憑吊
之資迺後之人弗深攷缺焉無文何沒也所記

者不必傳可傳者不及記深可惜我續志曰文之
為藝情致遠矣非博雅君子未易語此作藝文志
碑文

大修城池記

張九戩 邑人

晉北與虜隣每秋高烽火通太原逼處襄邑天
下之可慎固封守粵我襄城池久儉於高深一
有難免多恐是其繕脩殆不可緩者適分巡
武全村保釐晉土其振紀宣猷伸枉抑

梗岡不惟減而於安攘至計籌之尤熟乃宣布天子德意酌量士民情力命併舊城之厚為五十五尺高為四十三尺池之深為二十一尺闊為二十七尺而又匝以翼垣帽以輒埤竅以敵洞列以戍櫓煥以新門與夫揅度方畧餼廩稽授岡不綢繆於是富頌輸財貧願輸力歡成子來遂因時奏功蓋巍然淵然後即間有虜警得常恃以無恐誠萬世保障也豈惟城池為然凡公鞏固休澤不啻殊

渥且與城俱高與池俱深而民可恃以無恐矣國
家聖謨神武足以固我疆圉無憂邊警胡獨先于
城池之慎理為蓋天子當陽聿修文德忽內治而
勤遠畧良非勝筭此王公設險以守國並天險之
不可升非得策之上者乎而更有進于險者昔孟
子右人和于地利語能守也倘得地利復以人和
守之則勝算常在我雖與天地竝悠久焉可也工
始於隆慶二年二月訖于七月襄之官僚士庶咸

德無窮也共勒石記之沈公名人种字時莊別號
練城直隸嘉定人以名進士由天官部郎出官吾
晉董其後者則知縣李公廷儒陝西靜寧州人巡
省匪懈則主簿楊公師魯陝西寧州人它如徐公
兩陝西膚施人典史李公楨直隸河間人訓導劉
公承恩山東朝城人分勞就列協恭有終餘董一
面一工者多其負役悉載碑陰泐得併書以昭寒
事以告後來云

定襄縣包城記

王興知縣

于稽往昔定襄故號戎馬地方今名王移牧左賢
款關浹四十年矣然北抵雁塞纔百餘里而陽防
盤道諸阨口在焉紅市河保僅一水界塞幕
只兼夕途耳每秋高峰火警太原朝發夕至故世
廟時虜騎數薄城下城故壘地為巉乎從來無聞
攀躋患從來無患則不患矣邑士大夫猶塵不必
然之憂當事者亦周末然之防於是畫磚石之議

而條方畧以聞時余方拜楚命將之楚并挽余而
疏責其成功焉謂宜未雨而畫綢繆之計以逸道
使民民亦不知其勞乃余鯁鯁焉非不辨頑靈謬
謂迂臣者有心計也姑以牛馬力未衰斲以髮膚
効之耳初議金錢凡巨萬計余為財什之二凡九
千有奇焉歲甲辰鳩材它材易具也至石巨未易
計鉤鈔如議責之肩頭不勝病且不勝逾時矣余
更議釋來役者於田以日餉易牛馬且寬之農

澤堅之後畜牛馬者爭應募獵未深而巨石累、
積四面矣計所需日餉方十七也乙巳營成事余
偕一二僚友日時勞來之獎勤創情甫四厯月而
成功告矣去晝期猶再月也則所未役之日餉亦
夫夥矣材之美計三千金餉之美計三千金統之
實八千奇矣邑方藉永賴於斯余何利有搏金之
然實撤濫撤情狀故趨苟趨畧也無苟無略之
為搏為容避之而以金錢為泥沙乎城之西南半

辟疊石者八疊磚者八十有四東北半壁權石之
盈晉增一疊而省磚二疊焉仰連雉堞雄四十二
尺匝之則九千九十尺也石入深凡五尺磚本七
列末五列以漸盈縮焉又以衆力之餘營層樓者
五磚樓角樓者各四鋪屋者二十五內之女牆外
之護壁則週環峙焉觀者曰壯哉金湯乎然形險
藉之無形也余曷敢哆言壯又曰永哉保障乎然
既久始見可久也余曷敢哆言永告成之日學士

子共思詡其績夫錢穀須之公帑丁夫湏之歲卒
衣稅食租謂何而以一日之辛勤聞慰勞也固謝
迺得謝至事之始末不可不聞之後於是命之石
定襄縣題名碑記

王立愛

知縣

天下郡縣皆有題名石勒諸貞珉後先編次誠盛
舉也而定襄獨闕襄故漢縣先代無論已我明
二百四十餘年來蒞茲土者不知幾若而人竟無
撮而紀之者豈故實之大都迫近虜穴先世用武

之地兵燹靡常文獻凋謝去來一別若存若亡
邇其名實而識之曠然無所攷可歎也予閱舊乘
邑丞之裁與裁學訓一人近在耳目識之猶有人
乃一巡檢司邊儲倉廣濟倉各大使問之父老
且憤然矣若道會司并印無之殊不可曉尤可歎
也夫徵寔必以名之不存在實將焉附矧前事不
忘後事之師既終聽其湮沒後之人即欲指其
中孰為可法孰為不可法道無繇也且襄故無志

有之自邑人劉紹先始刻于無極安公存什伯于
千萬耳余感慨久之治襄之五年始有修乘之役
因謀之同寅楊君伐石于山據舊乘所紀及近時
可知者命匠石鐫而紀之令載上方仍次以承前
制也簿次之尉又次之各虛左以俟不獨後來者
鱗次而列相為輝映將一寓目而後先有事於
者如列一堂指掌可盡文獻其有微也夫

大修縣治記

前人

蓋聞聖人序易至蟲慨然于維新之化也曰燕
人事抑亦天行也天不能使萬物之常運不敝則
不能使故者之久敝不更而及其更也不畏流俗
不辭難難斷之焉與天下謀始此有事者之所以
利涉川也迺狃於因循者曰吾將有待也夫我欲
不任勞怨而聽其壞以待後人後人復待後人天
下事不可支矣今夫父與子謀也曰吾將庀掾
而材爾宮也鳩塹瓦而飭爾垣也而其子亦曰夫